



CYD-BWYLLGOR CORFFOREDIG Y GOGLEDD

21 Mawrth 2025

TEITL: Bwrdd Busnes Ymgynghorol ac Ymgynghorwyr Anweithredol

AWDUR: Hedd Vaughan-Evans, Pennaeth Gweithrediadau

1. PWRPAS YR ADRODDIAD

1.1. Pwrpas yr adroddiad yw cyflwyno Cylch Gorchwyl corff ymgynghori newydd sector preifat ac i gyflwyno disgrifiadau rôl ar gyfer dau Ymgynghorydd Anweithredol newydd.

2. Y PENDERFYNIAD A GEISIR

2.1. Cymeradwyo'r Cylch Gorchwyl a'r broses benodi fel y nodir yn **Atodiad 1** ar gyfer sefydlu Bwrdd Busnes Ymgynghorol newydd ar ôl trosglwyddo'r Cynllun Twf a dirprwyo'r broses weithredu i'r Prif Weithredwr Dros Dro.

2.2. Cymeradwyo'r disgrifiad rôl (**Atodiad 2**) ar gyfer y ddwy swydd Ymgynghorydd Anweithredol newydd ac awdurdodi'r Prif Weithredwr Dros Dro i gymryd pob cam angenrheidiol i gaffael ymgeiswyr i'w hargymell i'w penodi i Is-bwyllgor Lles Economaidd y CBC.

2.3. Dirprwyo i'r Prif Weithredwr Dros Dro, mewn ymgynghoriad â'r Swyddog Monitro, y Cadeirydd a'r Is-Gadeirydd yr awdurdod i wneud unrhyw fân newidiadau i'r Cylch Gorchwyl a disgrifiadau rôl mewn ymateb i unrhyw adborth a dderbyniwyd gan Lywodraeth Cymru a'r DU cyn ei weithredu.

3. Y RHESWM AM Y PENDERFYNIAD

3.1. Mae'r model llywodraethu a fabwysiadwyd i gefnogi'r gwaith o gyflawni CTGC yn cynnwys corff ymgynghorol sector preifat. Mae'r argymhellion yn yr adroddiad hwn yn sicrhau bod y gofyniad hwn yn cael ei fodloni gan y Cyd-bwyllgor Corfforedig ar ôl amnewid y Cynllun Twf, yn ogystal ag ymateb yn uniongyrchol i argymhellion o adolygiadau sicrwydd diweddar.

4. CEFNDIR AC YSTYRIAETHAU PERTHNASOL

4.1. Disgwylir i Gynllun Twf Gogledd Cymru a'r Swyddfa Rheoli Portffolio gael eu hamnewid ar 1 Ebrill 2025 yn amodol ar gytundebau gan bartneriaid y Bwrdd Uchelgais Economaidd a Llywodraeth Cymru.

Bwrdd Busnes Ymgynghorol Newydd

4.2. Mae Bwrdd Cyflawni Busnes wedi bod ar waith ers dechrau Cynllun Twf Gogledd Cymru i ddarparu cyngor yn y sector preifat i'r Bwrdd Uchelgais Economaidd ar y portffolio cyfan ac ar fuddsoddiadau prosiectau penodol cyn cymeradwyo achosion busnes.

- 4.3. Mae adolygiadau sicrwydd diweddar wedi gwneud argymhellion penodol ynghylch adolygu ac ail-lansio'r corff ymgynghorol hwn i sicrhau ei fod yn fwy cynrychioliadol o'r sector preifat yng ngogledd Cymru ac mae'r trosglwyddiad i'r Cyd-bwyllgor Corfforedig yn rhoi'r cyfle hwn.
- 4.4. Mae'r cynnig ar gyfer y Bwrdd Busnes Ymgynghorol newydd ar gyfer grŵp ymgynghorol newydd sector preifat sydd â chylch gwaith ehangach ar draws holl swyddogaethau presennol y Cyd-bwyllgor Corfforedig, gan gynnwys lles economaidd, trafnidiaeth a chynllunio. Bydd gan y bwrdd newydd ffocws sylweddol o hyd ar y Cynllun Twf, ond ystyrir bod cylch gwaith ehangach yn allweddol wrth gynnal ymgysylltiad â busnesau ledled y rhanbarth.

Ymgynghorwyr Anweithredol

- 4.5. Mewn ymateb i argymhelliad adolygiad sicrwydd arall i ystyried penodi Cyfarwyddwyr Anweithredol i gefnogi'r gwaith o gyflawni'r Cynllun Twf a darparu arbenigedd a her fasnachol i'r Bwrdd, cynigir penodi dau Ymgynghorydd Anweithredol. Cynigir y dull hwn gan nad yw'n bosibl cyfethol Cyfarwyddwyr Anweithredol o fewn fframwaith y Cydbwyllgor Corfforedig.
- 4.6. Bydd yr Ymgynghorwyr Anweithredol yn unigolion sydd â phrofiad sector preifat a masnachol sylweddol i gefnogi a herio'r Is-bwyllgor Lles Economaidd a gweithio gyda'r Swyddfa Rheoli Portffolio i gefnogi'r gwaith o gyflawni Cynllun Twf Gogledd Cymru. Cynigir y byddai'r ddau unigolyn hyn hefyd yn gweithredu fel Cadeirydd ac Is-gadeirydd y Bwrdd Busnes Ymgynghorol newydd ac y byddent yn mynychu'r Is-bwyllgor Lles Economaidd fel ymgynghorwyr.
- 4.7. ***Mae Atodiad 2*** yn amlinellu rolau'r swydd ar gyfer yr unigolion hyn a fydd yn cael eu penodi gan y Bwrdd yn dilyn proses gaffael i'w chytuno gyda'r Swyddog Monitro.

5. GOBLYGIADAU ARIANNOL

- 5.1. Mae'r Bwrdd Uchelgais Economaidd wedi cymeradwyo'r gyllideb ar gyfer 2025-26 ac mae hyn yn cynnwys darpariaeth i gefnogi Bwrdd Busnes Ymgynghorol newydd a dwy swydd Ymgynghorydd Anweithredol. Bydd y gyllideb hon yn cael ei throsglwyddo i'r Cyd-bwyllgor Corfforedig ar ôl i'r Cynllun Twf gael ei ddiwygio ac felly nid oes unrhyw oblygiadau ariannol ychwanegol yn deillio o'r adroddiad hwn.

6. GOBLYGIADAU CYFREITHIOL

- 6.1. Mae penodi'r Ymgynghorwyr Anweithredol yn cael ei wneud mewn ymateb i argymhellion yr adolygiad sicrwydd. Fel awdurdod lleol, mae'r CBC, yn yr un modd â'r Cynghorau, yn ddarostyngedig i gyfyngiadau o ran pwys all fod yn aelodau neu'n aelodau cyfetholedig. Mae Rheoliad 9A o Reoliadau Cyd-bwyllgor Corfforedig y Gogledd 2021 yn atal deiliaid swyddi cyflogedig a benodir gan y CBC (yn yr ystyr corfforaethol) rhag bod yn aelodau cyfetholedig. Nid oes swydd gyfwerth gyfatebol i "Gyfarwyddwr Anweithredol" y Cwmni.
 - 6.2. Er mwyn ymateb i ofynion y Llywodraethau a phenodi i'r rolau hyn, mae'r model contract gwasanaethau arfaethedig yn cynnig y llwybr mwyaf priodol i sicrhau'r mewnbwn sector preifat sydd ei angen. Bydd y rolau hyn yn cael eu caffael yn unol â rolau Gweithdrefn Contract y CBC. Byddent yn gweithredu fel ymgynghorwyr i'r CBC mewn perthynas â'r Cynllun Twf ac yn gwasanaethu fel Cadeirydd ac Is-gadeirydd y Bwrdd Busnes Ymgynghorol. Fel y nodi'r adroddiad, byddent hefyd yn ddarostyngedig i ofynion mewn perthynas â rheoli Gwrthdaro Buddiannau a chyfrinachedd yr un fath ag aelodau eraill y Bwrdd Busnes Ymgynghorol.
-

ATODIADAU:

- Atodiad 1:** Cylch Gorchwyl arfaethedig ar gyfer y Corff Busnes Ymgynghorol
- Atodiad 2:** Rolau swydd ar gyfer Ymgynghorwyr Anweithredol

YMATEB Y SWYDDOGION STATUDOL:

i. Swyddog Monitro

"Rwyf wedi cael y cyfle i roi cyngor ar yr adroddiad a'i atodiadau. Dim sylwadau i'w hychwanegu mewn perthynas â phriodoldeb."

ii. Swyddog Cyllid Statudol:

"Gallaf gadarnhau cynnwys paragraff 5.1. Mae'r gyllideb sydd wedi'i chymeradwyo ar gyfer 2025-26 yn cynnwys darpariaeth ar gyfer y Bwrdd Busnes Ymgynghorol a'r swyddi Ymgynghorwyr Anweithredol. Does gen i ddim sylwadau pellach o safbwynt priodoldeb ariannol."